

Pasukan hoki UMT cemerlang

MOHD YUSERI CHE DIN

st 31/08/08 pg. T22.
KUALA TERENGGANU - Pasukan hoki Universiti Malaysia Terengganu (UMT), meraih kemenangan bergaya apabila menumpaskan pasukan tercorot Universiti Utara Malaysia (UUM) dalam divisyen 2 liga hoki Majlis Sukan Universiti Malaysia (MASUM) dengan jaringan 3-2.

Perlawanan yang berlangsung di padang hoki Kompleks Stadium Gong Badak itu menampilkan pertemuan dan perlawanan berat sebelah di mana hampir keseluruhan permainan dikuasai pasukan tuan rumah UMT.

UMT memulakan perlawanan dengan rentak cemerlang, yang mana penyerang mereka sering kali mengucir-gacirkan pertahanan lawan dalam peringkat awal permainan. Namun, kekentalan barisan pertahanan UUM serta tindakan cemerlang penjaga gol mereka banyak menyelamatkan gawang daripada dibocori lawan.

Bagaimanapun penyerang UUM, Mohd Nor Hazmil berjaya memecah kebuntuan dan mengejutkan barisan pemain UMT, apabila menjarangkan gol pasukannya pada minit ke-4 menerusi rembatan kencang hasil hantaran cantik dari luar petak penalti UMT.

Namun, UMT tidak menunggu lama untuk menyamakan kedudukan apabila kapten mereka, Norhisan Abdullah menyambung hantaran rakan sepasukan untuk meledakkan jaringan ke penjuru kiri gol lawan untuk gol penyamaan pada minit ke-22.

Permainan babak kedua menyaksikan pemain UMT semakin ber-



Pasukan UMT bergambar bersama jurulatih dan pengurus sebelum turun menentang pasukan UUM di Kompleks Stadium Gong Badak.

semangat memburu gol. Mereka melancarkan serangan demi serangan dan akhirnya berjaya merobek pintu gol UUM menerusi Mohd Redhvan Arif hasil pukulan 'top net' yang cantik. Gol tersebut menaikkan semangat pemain UMT dan mereka semakin kerap melakukan serangan berbahaya.

UUM sesekali melakukan serangan balas, begitu pun mereka gagal menjarangkan gol akibat kegopohan penyerang mereka sendiri. Akibat kelekaan barisan pertahanan UUM pada minit ke-40, Norhisan sekali lagi menggegarkan jaring lawan untuk menjarakkan kedudukan kepada 3-1.

Beberapa pertukaran di pihak

UUM menyaksikan usaha terdesak mereka mencari gol bagi merapatkan kedudukan. Akhirnya, Mohd Hafizi Ismail yang masuk menggantikan Mohd Hanapiah berjaya juga meledakkan gol sagu hati kedua pasukannya pada minit ke-64 untuk merapatkan kedudukan 2-3. Bagaimanapun, usaha mereka menyamakan kedudukan gagal apabila beberapa tindakan cemerlang penjaga gol UMT, Fazli Mustafa menyelamatkan gawangnya.

Penolong Pengurus UMT, Raja Nik Farah Raja Amar ketika ditemui **Sinar Harian** berkata, pasukannya berjaya menampilkan permainan ber tenaga terutama pada babak kedua perlawanan, sekali gus memperoleh ke-

menangan yang dicari.

Katanya, dengan kemenangan itu, pasukan UMT meraih dua kemenangan daripada perlawanan yang berlangsung sehingga kini.

"Ini akan menguatkan lagi semangat pemain UMT untuk menampilkan aksi lebih baik pada perlawanan akan datang. Jika momentum ini berterusan, tidak mustahil UMT akan meraih beberapa lagi kemenangan sebagai bekatan bersaing dengan pasukan handal seperti USM," katanya lagi.

Sementara itu, UUM pula terus ditimpa nasib malang apabila kekalahan itu menyaksikan mereka sehingga kini masih lagi belum mencipta sebarang kemenangan.